

Zavoda zdravstvenog osiguranja Kantona Sarajevo ("Službene novine Kantona Sarajevo", br. 7/98 i 30/07), kao i člana 12. tačka 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), na prijedlog Ministra zdravstva Kantona Sarajevo, Vlada Kantona Sarajevo, na 55. sjednici održanoj 07.02.2014. godine, donijela je

RJEŠENJE

**O IMENOVANJU DIREKTORA ZAVODA
ZDRAVSTVENOG OSIGURANJA KANTONA
SARAJEVO**

I

Imenuje se dr. Kenan Crnković za direktora Zavoda zdravstvenog osiguranja Kantona Sarajevo.

II

Mandat direktora iz tačke 1. ovog Rješenja traje četiri (4) godine, računajući od dana imenovanja.

III

Ovo Rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-2800-2.2/14
07. februara 2014. godine
Sarajevo

Premijer
Suad Zeljković, s. r.

Ministarstvo finansija

Na osnovu člana 161. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10 i 26/12), Ministar finansija Kantona Sarajevo donosi

UPUTSTVO

**O NAČINU UPLATE PRIHODA PO OSNOVU "DJEČIJE
NEDJELJE"**

1. Ovim uputstvom uređuje se način uplate novčanih iznosa za "Dječiju nedjelju" (u daljem tekstu: prihodi po osnovu "Dječije nedjelje").
2. Prihodi po osnovu "Dječije nedjelje" naplaćivat će se tokom cijelog mjeseca oktobra u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06 i 14/09) i u procentima koje Vlada Federacije utvrdi

Odlukom o utvrđivanju novčanih iznosa koji će se naplaćivati u toku mjeseca oktobra na teritoriji Federacije BiH za "Dječiju nedjelju"

- na prodatu voznu kartu u međumjesnom i međunarodnom željezničkom, avionskom i autobuskom saobraćaju,
 - poštanske pošiljke u unutrašnjem saobraćaju, osim na pošiljke novina i časopisa,
 - prodatu ulaznicu za pozorište, kino, druge kulturne manifestacije i sportske priredbe za koje se naplaćuju ulaznice,
 - prodatu video kasetu i nosače zvuka.
3. Preduzeća, poslodavci i druga pravna i fizička lica, koja vrše naplatu novčanih iznosa iz tačke 2. ovog uputstva na području Kantona Sarajevo, dužna su naplaćene iznose uplatiti u Budžet Kantona Sarajevo najkasnije u roku od 15 dana po isteku mjeseca oktobra, i to:
 - na depozitni račun za prikupljanje javnih prihoda Kantona Sarajevo, broj 3380002210019263 otvoren kod UniCredit banke d.d. Sarajevo,
 - na vrstu prihoda: 722425 (prihodi po osnovu "Dječije nedjelje")
 - na budžetsku organizaciju 2301001 (Ministarstvo za rad, socijalnu politiku, raseljena lica i izbjeglice)
 - šifra općine: 077
 - svrha uplate: prihod za "Dječiju nedjelju"
 4. Ministarstvo finansija će po isteku roka iz prethodne tačke, na osnovu evidencije uplaćenih prihoda, dostaviti Ministarstvu za rad, socijalnu politiku, raseljena lica i izbjeglice Kantona Sarajevo izvještaj o uplaćenim sredstvima na ime prihoda po osnovu "Dječije nedjelje".
 5. Ministarstvo za rad, socijalnu politiku, raseljena lica i izbjeglice je dužno prilikom izrade Budžeta za narednu fiskalnu godinu planirati prihode po osnovu "Dječije nedjelje" i Ministarstvu finansija podnijeti prijedlog plana prihoda i rashoda.
 6. Usmjeravanje prihoda po osnovu "Dječije nedjelje" vršit će se u skladu sa Zakonom o izvršavanju Budžeta Kantona Sarajevo.
 7. Ovo uputstvo stupa na snagu danom davanja saglasnosti od strane Vlade Kantona Sarajevo, a objavit će se u "Službenim novinama Kantona Sarajevo".

Broj 08-02-1996/14
27. januara 2014. godine
Sarajevo

Ministar
Muhamed Kozadra, s. r.

OPĆINA CENTAR SARAJEVO

Općinsko vijeće

Na osnovu člana 13. stav 2. Zakona o principima lokalne samouprave u Federaciji BiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i čl. 5. i 16. Odluke o dodjeli u zakup poslovnih zgrada i prostorija Općine Centar Sarajevo - Prečišćeni tekst ("Službene novine Kantona Sarajevo", br. 20/09 i 11/13), Općinsko vijeće Centar Sarajevo je, na Šesnaestoj redovnoj sjednici, održanoj dana 30.01.2014. godine, donijelo

ODLUKU

**O DODJELI U ZAKUP POSLOVNIH PROSTORIJA
OPĆINE CENTAR SARAJEVO U ULICI HUSREFA
REDŽIĆA 9**

Član 1.

Neposrednom pogodbom po osnovu prava prvenstva, dodjeljuju se u zakup na 5 (pet) godina poslovne prostorije u ulici Husrefa Redžića 9, površine 61 m², Alagić Damiru iz Sarajeva za obavljanje djelatnosti u skladu sa Odlukom o obavljanju poslovnih djelatnosti u određenim ulicama na području Općine

Centar Sarajevo ("Službene novine Kantona Sarajevo", broj 38/07), sa iznosom zakupnine od 7,20 KM/m².

Član 2.

Korisniku iz člana 1. Odluke, poslovne prostorije se dodjeljuju u zakup pod uslovom obezbjeđenja 60 potpisanih mjenica na mjesečni iznos zakupnine ili uplatom jednogodišnjeg iznosa zakupnine unaprijed.

Član 3.

Na osnovu Odluke, Općinski načelnik će, sa korisnikom iz člana 1. Odluke, zaključiti ugovor o zakupu poslovnih prostorija.

Član 4.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-191/14
30. januara 2014. godine
Sarajevo

Predsjedavajuća
Općinskog vijeća
Mr. sc. **Varja Nikolić, s. r.**

Ova odluka je objavljena na oglasnoj ploči Općine Centar Sarajevo dana 04.02.2014. godine